

【经文信息】大正藏第 12 册 No. 0339
得无垢女经 1 卷

No. 339 [Nos. 310(33), 338]

得无垢女经(一名论义辩才法门)

元魏婆罗门瞿昙般若流支译

如是我闻：

一时婆伽婆，住舍婆提城祇陀树林给孤独园，与大比丘众千二百五十人俱，皆是阿罗汉——诸漏已尽，无复烦恼，心得自在，善得心解脱，善得慧解脱，人中大龙，应作者作，所作已办，离诸重担，逮得已利，尽诸有结，善得正智心，解脱一切，心得自在，到第一彼岸——唯除一人尊者阿难，余者悉是大阿罗汉。诸大菩萨十千人，俱皆不退转，唯一生缚，其名曰：

宝明菩萨、慧聚菩萨、胜藏菩萨、名称意菩萨、辩聚菩萨、观世自在菩萨、得大势菩萨、弥勒菩萨、得无忧菩萨、文殊师利童子菩萨、不迷行菩萨、不迷见菩萨、除恶菩萨、坏一切悲闇菩萨、功德宝华庄严菩萨、金纓光德菩萨、障一切罪菩萨、不坏思惟菩萨，如是等上首，十千菩萨俱。

尔时尊者舍利弗、尊者大目犍连、尊者摩诃迦叶、尊者须菩提、尊者富楼那弥多罗尼子、尊者离波多、尊者阿泥楼大、尊者阿难陀，此如是等八大声闻，文殊师利童子菩萨、除恶菩萨、宝幢菩萨、不迷见菩萨、障一切罪菩萨、观世自在菩萨、辩聚菩萨、不迷行菩萨，此八菩萨摩诃萨等，并大声闻，于晨朝时，着衣持钵被服袈裟，相与欲入舍婆提城为乞食故。未到彼城，于路中间，共相谓言：「我等心住如色三昧，入舍婆提大城乞食。如是若入舍婆提城，一切人民得闻圣谛。」

尊者舍利弗曰：「我心安住如色三昧，入舍婆提大城乞食。如是若入舍婆提城，一切人民于圣谛中，得无碍慧，不破坏慧，彼慧不闇。」

尊者大目犍连曰：「我心安住如色三昧，入舍婆提大城乞食。如是若入舍婆提城，一切人民无有魔业。」

尊者大迦叶曰：「我心安住如色三昧，入舍婆提大城乞食。如是若入舍婆提城，一切妇人、一切丈夫，若男若女与我饮食，一切皆得无尽福报乃至涅槃。」

尊者须菩提曰：「我心安住如色三昧，入舍婆提大城乞食。如是若入舍婆提城，一切人民得阿兰若。」

尊者富楼那弥多罗尼子曰：「我心安住如色三昧，入舍婆提大城乞食。如是若入舍婆提城，一切人民皆得三昧。」

尊者离波多曰：「我心安住如色三昧，入舍婆提大城乞食。如是若入舍婆提城，一切外道、遮罗迦婆离婆罗阇迦尼、捷陀阿祇毘迦、婆罗门居士，得不恶见。」

尊者阿泥楼大曰：「我心安住如色三昧，入舍婆提大城乞食。如是若入舍婆提城，一切人民得不嫉乐。」

尊者阿难陀曰：「我心安住如色三昧，入舍婆提大城乞食。如是若入舍婆提城，一切人民闻法即解。」

文殊师利童子曰：「我心安住观察如色，如是若入舍婆提城，门户窓壁器庄严具，树叶花果袈裟等中，出空、无相、无愿等声，出不生声亦出生声，出无我声。」

除恶菩萨曰：「我心安住观察如色，如是若入舍婆提城，若彼众生有恶业行，应受报者，彼见法故现世轻受。」

宝幢菩萨曰：「我心安住观察如色，如是若入舍婆提城，一切善宝满藏悉开。」

不迷见菩萨曰：「我心安住观察如色，如是若入舍婆提城，何等众生堪任菩提？妇女、丈夫、若男、若女，眼见我者，皆见我身如佛身色，决定当得阿耨多罗三藐三菩提。」

障一切罪菩萨曰：「我心安住观察如色，如是若入舍婆提城，一切人民五盖不障。」

观世自在菩萨曰：「我心安住观察如色，如是若入舍婆提城，何等众生系缚执掌欲被杀者，皆得解脱，无有怖畏。」

辩聚菩萨曰：「我心安住观察如色，如是若入舍婆提城，一切人民何等，恶心众生，慈心相向，递共赞咏，音声语说皆得辩才。」

不迷行菩萨曰：「我心安住观察如色，如是若入舍婆提城，随何众生眼见我者，一切不退阿耨多罗三藐三菩提。」

尔时彼大声闻彼诸菩萨，依如是法，如是行说，相与进向舍婆提城。

时憍萨罗，波斯匿王有女，名得无垢，已曾亲近无量诸佛，久种善根，供养多佛，解甚深法，得五神通——天眼远见，清净过人——彼诸菩萨彼大声音，在道语说皆悉遥闻。

彼女端正姿媚少双，甚可爱乐。妙色具足，父母意念，一切妓女、一切人民皆悉乐见，年始十二。

二月八日，弗沙星日意乐出游，以求吉相。父母即听，从婆罗门有五百人。赍持苏酪、华草、符[土*瓦]相随而出，为欲解奏彼婆罗门。见诸菩萨、大声音已，即住念曰：「我今见此吉相好人。」

时彼侍从婆罗门中，有一长老大婆罗门，厥名梵天，谓得无垢，作如是言：「女今当知，我此所见是不吉相。前有如是诸比丘住，可回入城。见如是相，所作不吉。以此因缘，或解或奏，不吉不成。」

即于尔时，得无垢女偈对梵天婆罗门曰：

「见此无障胜，
此见净四谛，
二足上福田，
得甘露果报，
第一持戒人，
行世间治病，
能却多人恶，
正念信解脱。
施彼愿生天，
施者不得恶。
离浊无恶念，
疗救苦众生。」

佛世间最胜，
此是彼佛子，
此诸大菩萨，
恶法皆远离，
持戒世间最，
作尘许供养，
此满足胜相，
婆罗门得信，

第一之法主，
无有尘垢染。
远离何等法，
常谨慎不越。
好人见者胜，
彼得如法财。
此善心净田，
获多福生人。」

尔时梵天婆罗门，为得无垢女，而说偈言：

「莫随痴心言，
如着衣剃发，
尊朝不喜汝，
不得持斋戒，
若不观比丘，

斋时观比丘，
求吉不用见。
我当必被笑，
愿勿观比丘。
则是大善哉。」

尔时得无垢女，为梵天婆罗门，而说偈言：

「非于今朝日，
非诸亲非财，
此之功德人，
此人能救我，
我于今朝日，
甚爱乐佛法，
更无异归依，
唯有佛法僧，

能救我父母，
亦复非严饰。
入于有为行，
亦救我父母。
舍身复舍命，
不欲世富乐。
能救护众生，
三宝能救护。」

尔时梵天婆罗门，语得无垢女言：「汝大不是。汝于昔来，未曾见佛、未曾闻法、未供养僧。汝何处闻？云何信佛？」

得无垢女作如是言：「我生七日，时婆罗门，安置我身在栴檀殿金宝床上，五百天子，在于我上空中行过，我时得见。时彼五百诸天子中，有一天子，曾见如来，种种赞叹，说佛功德，赞叹法、僧。我时得闻五百天子，皆共同问之，作如是言：『君见佛来，佛状云何？云何得知？』时彼天子，知我心信，为生五百天子信故，而说偈言：

「『无垢欲染发，
面犹百叶花，
毫色雪颇梨，
诸眷属中胜，
人主师子颊，
齐平四十齿，
彼复广长舌，
利益善语言，
无有无义语，
利益诸众生，
项相犹如贝，
譬如象王鼻，
阴如象王藏，
身毛皆上靡，
离垢恶实语，
已破坏恶见，
众生亿问难，
远离彼二边，
随何人闻者，
直不曲胜语，
法云普遍覆，
如来既自度，
归救中第一，
余无量功德，
彼天子闻已，

清淨软靡旋，
如夜空满月，
眉间甚可憇，
佛语甚微妙。
眼目极殊妙，
众生中心胜。
善淨圆满面，
离恶口两舌。
佛不毀誉语，
无数众生信。
人生臂指长，
希淨斋却入。
亦复如日光，
鹿[跳-兆+专]足下平。
一切牟尼王，
恶见悉已灭。
正答令欢喜，
说于中道法。
第一寂灭乐，
一切欢喜爱。
平等雨法雨，
亦度彼众生。
观世间相应，
我不能具说。』
心开淨信佛。」

尔时得无垢女，说此偈已，即语梵天婆罗门言：「大婆罗门！我生七日，便得闻此佛法功德。从是已来，不曾少时有痴覆心，不着诸欲，不着嫉妬，不着贪心，不起盗心；心不思量亦不忆念，不知爱着；或父或母，或兄或弟，姊妹亲属，不知爱着；严饰之事，不知爱着；王都城邑聚落身命，不爱着生。大婆罗门！我忆异相，所谓佛相。大婆罗门！我心恒常忆念三种。何等为三？随何方面，如来行处，我问如来；若佛说法，如是一切我悉摄取，不失一字，不失一义，不失一语，无有一夜或于一日；随在何处，我常见佛，非是不见，我常闻法，常供养僧。大婆罗门！如是见佛，如是闻法，供养众僧，我无厌足。」

尔时梵天大婆罗门，勅一同伴小婆罗门，作如是言：「汝摩那婆！今速还去，如得无垢向来所说，悉为大王及王夫人，说如是法。」

时摩那婆受教而去，如所见闻，悉为大王及王夫人，说如是法。

尔时得无垢女，如佛功德为诸人说，如法功德为诸人说，如僧功德为诸人说。时彼五百诸婆罗门，闻已皆发阿耨多罗三藐三菩提心。

尔时得无垢女，从舆而下，与诸侍从婆罗门俱，前诣菩萨大声闻所。到已礼拜恭敬尊重，住在尊者舍利弗前，合掌而立，问于尊者舍利弗言：「大德舍利弗！一切女人，智慧甚少，染欲极多。专行放逸，心意狭劣，不念善法，多念恶法。善哉，大德！唯愿垂哀悲心念我，如应说法，令我长夜，得大利益，安隐快乐。」

此语未讫，时憍萨罗波斯匿王，闻婆罗门摩那婆语，速疾急到，诣大声闻、诸菩萨所，见女在坐，于自己女，如大声闻，如大菩萨，作如是言：「在家甚乐。何故在坐，说如是言：『我从是来，不为痴覆，不着戏乐，不曾起心。』」

时憍萨罗波斯匿王，即自为女而说偈言：

「汝端正如天，
何故起恶见，
王国土丰乐，
女何所忆念，
一切尊敬汝，
百功德庄严，
女何所见闻，
好心向我说，
姿媚如庄已，
说言皆不着？
汝母随汝心，
言不着身乐？
见汝者皆爱，
何以不着乐？
于乐生忧怖？
汝有何所愿？」

尔时得无垢女，即为父王而说偈言：

「王不觉家恶，
有为所止宿，
毒蛇所居处，
无有安乐心，
四大如毒蛇，
危脆诸阴中，
如妓儿戏场，
命少时不停，
云何得睡眠？
三有何处乐？」

多怨恶鬪诤，
烦恼怨围绕，
何者是戏乐？
饮毒云何睡？
崄岸云何安？
如来说譬喻，
尔许颠倒意，
父母兄弟等，
善知识儿子，
犹如镜中像，
有何等人辈，
初见自然智，
从发心已来，
何处菩萨行，
我见彼如来，
闻善逝说法，
是故不忆念，

到旷野险处，
云何得安乐？
云何而着乐？
勅杀云何喜？
人命亦如是。
有聚如须弥，
谁信无常劫？
一切贼境界，
亲友皆围遶，
一切皆无常。
能信此不实，
即发菩提心。
未失菩萨行，
贪着世间乐？
不思议功德，
见此佛子人，
着世五欲乐。」

尔时憍萨罗国波斯匿王，既闻女说，默然不言。

尔时得无垢女，知父默然。即语尊者舍利弗言：「大德舍利弗！我欲问难，愿慈念我。佛说大德，智慧人中最为第一。大德！何者智慧？彼智慧者，为常无常？若是常者，如佛所说，一切诸法皆悉无常。佛如是说，则是妄说、迷惑说法。若是无常，彼法不生。若法不生，彼法则无。为何所说？则不忆念说智慧法。以何义故？佛说大德智慧人中最为第一？」

尊者舍利弗，默然不答。

尔时尊者大目犍连，问于尊者舍利弗言：「何故默然，不答女难？」

尊者舍利弗言：「女不问我无常之法，问不生法，故我不答。」

尔时得无垢女，问于尊者大目连言：「大德目连！佛说大德，神通人中最为第一。大德为住众生想故示现神通，为住法想示现神通？若住众生想示现神通者，众生既无，云何大德示现神通？若住法想示现神通，法无分别，大德亦尔，无所分别。既无分别，云何大德示现神通？」

尊者目连，默然不答。

尔时尊者富楼那弥多罗尼子，问于尊者大目连言：「何故默然不答女难？」

尊者目连言：「女不问我分别，问我无分别，不取、不分别如来菩提道，是故我不答。」

尔时得无垢女，问于尊者富楼那弥多罗尼子言：「大德富楼那！佛说大德，说法人中最为第一。大德为受持说法，为不受持说法？若受持说法，则与一切愚痴凡夫等无有异。何以故？一切愚痴凡夫受持。大德！如是不离一切愚痴凡夫法。若不受持说法，法既无物，云何大德说法人中最为第一？」

尊者富楼那弥多罗尼子，默然不答。

尔时尊者摩诃迦叶，问于尊者富楼那弥多罗尼子言：「何故默然，不答女难？」

尊者富楼那弥多罗尼子言：「女不问我世谛之义，问我真谛，故我不答。」

尔时得无垢女，问于尊者大迦叶言：「大德摩诃迦叶！大德入八解脱，入已复出，为人说法。于何人边乃至微少受一瓢食，彼诸施者，皆得生天。彼于大德，云何而施？为身净施？为心净施？为身心净施？若身净施，身则无知、无觉、不动，如草如木，如壁如土，彼身如是不能净施。若心净施，心则如幻，不暂时住，不能净施。若彼身心内外俱净，如是身心不得净施。身心无物，云何净施？」

尊者大迦叶，默然不答。

尔时尊者须菩提，问于尊者大迦叶言：「何故默然，不答女难？」

尊者大迦叶言：「女不问我取法，问我不取法，是故我不答；女问我实际，是故我不答。」

尔时得无垢女，问于尊者须菩提言：「大德须菩提！佛说大德阿兰若行最为第一。大德！阿兰若者，为有物修？为有法修？若有物修则是无常。若有法修，法无生相、法无灭相，法若不生不灭相者，彼则平等——彼若平等则非平等，彼若真如则非真如——不动不转。若不动转，彼不得说。若不得说，

彼不思议。若不思议，彼不可说。若不可说，彼则无物。若无物者，彼则无实。若无实者，圣人不说。」

尊者须菩提，默然不答。

尔时尊者离波多，问于尊者须菩提言：「何故默然，不答女难？」

尊者须菩提言：「乃至无有少法可说，默然为乐。女问如是不戏论法，诸有言说皆是不善，不言说界是阿兰若行。」

尔时得无垢女，问于尊者离波多言：「大德离波多！佛说大德坐禅人中最为第一。大德！为心依止禅？为心不依止禅？若心依止禅，心则如幻不实分别，若当如是不实，分别则不实，依止禅三昧则不实。若无心念禅，一切死人亦得欢喜。诸草木壁波罗赊树，皆应三昧。何以故？以彼诸物皆无心故。」

尊者离波多，默然不答。

尔时尊者阿泥楼大，问于尊者离波多言：「何故默然，不答女难？」

尊者离波多言：「得无垢女，问佛境界，彼非声闻之所能答。」

得无垢曰：「于意云何？如来法界、声闻法界，有别异耶？若异法界，则坏法界，若法界坏，法界则二。法界不二，得言真如。如是真如，得言不二。如是真如，如是不二，不得言胜。大德何以作如是说？」

尔时得无垢女，问于尊者阿泥楼大言：「大德阿泥楼大！佛说大德天眼人中最为第一。大德！天眼为有物见？为无物见？若有物见，则堕常见。若无物见，则堕断见。」

尊者阿泥楼大，默然不答。

尔时尊者阿难陀，问于尊者阿泥楼大言：「何故默然，不答女难？」

尊者阿泥楼大言：「女怀智慧问，是故我不答。」

尔时得无垢女，问于尊者阿难陀言：「大德阿难陀！佛说大德于多闻中最为第一。大德！何物得言多闻？为有义知？为究竟知？若有义知，义无言语，

不可言说，非耳识知，彼非可见。若究竟知，然世尊说当听于义，莫听文字，如是不听。大德阿难！云何多闻？」

尊者阿难默然不答。

尔时文殊师利童子，问于尊者阿难陀言：「何故默然，不答女难？」尊者阿难陀言：「一切文字性离如响，女问我字，故我不答。女问平等无心离心，此义乃非学人境界，云何得说？仁者！当问如来法王。」

尔时得无垢女，问于童子文殊师利言：「文殊师利！佛说仁者善解如来甚深解脱，如是菩萨摩诃萨中最为第一。彼因缘法云何甚深？为深故甚深？为自体甚深？若彼因缘深故甚深，则彼因缘，无人和合。何以故？如是因缘，不去不来，非眼识见，乃至非是意识所知。不二和合因缘而生。若自体甚深，彼甚深体则非可示。」

文殊师利言：「实际之义，甚深，甚深！」

得无垢言：「文殊师利！以彼实际非实际故，如是彼智则非是智。」

文殊师利言：「无有言语得实际者。」

得无垢言：「文殊师利！若无所得则无言语，出过言语故无所得。」

文殊师利言：「若尔，云何为他人语？」

得无垢言：「文殊师利！如来菩提出过言语，彼不可说。」

文殊师利默然不言。

尔时得无垢女，问不迷见菩萨言：「善男子！如不迷见如是说言：『我心安住观察如色。如是若入舍婆提城，何等众生堪任菩提？妇女丈夫，若男若女，眼见我者皆见我身如佛身色。』此事云何？仁者为示如来色身？为示法身？若示色身，彼诸众生不见佛身。若见佛身，则违佛语。佛说偈言：

「『若以色见我，
 若以声求我，
 彼人行邪道，
 则不能见我。』」

「若示法身，而佛法身非可示现。何以故？如来法身出过眼识，彼不能见。」

不迷见菩萨，默然不答。

尔时宝幢菩萨，问不迷见菩萨言：「何故默然，不答女难？」

不迷见菩萨言：「女问我无物，是故我不答。」

得无垢曰：「我非无物问，无物不得问，我说学法应如是知。」

不迷见菩萨。默然不言。

尔时得无垢女，问宝幢菩萨言：「善男子！仁如是说：『我心安住观察如色。如是若入舍婆提城，一切善宝满藏悉开。』此事云何？仁者如是何所忆念？为当有心希望福德？为当无心希望福德？若当有心希望福德，仁者则与愚痴凡夫等无有异。何以故？愚痴凡夫皆有希望爱着心故。若当无心希望福德，是则无心希望积聚。」

宝幢菩萨，默然不答。

尔时得无垢女，问除恶菩萨言：「善男子！仁如是说：『我心安住观察如色。如是若入舍婆提城，若彼众生有恶业行应受报者，彼见法故，现世轻受。』此事云何？如佛所说，业不可思议，仁说不能违佛所言。若仁不能思议业者，云何得知未来重业，现世轻受？一切诸法皆空无主，仁今云何言得法王？若仁能令重业作轻，则违佛语。」

除恶菩萨言：「我以愿力，能令如是重受之业作轻受业。」

得无垢曰：「无有人能愿力回转，若能转者，一一如来本皆有愿：『一切众生，我皆悉令得大涅槃。』非愿力成此门，应知如是愿力不能回转。」

除恶菩萨，默然不言。

尔时得无垢女，问障一切罪菩萨言：「善男子！仁如是说：『我心安住观察如色。如是若入舍婆提城，一切人民五盖不障。』此事云何？若仁禅定，能令众生诸盖不障。一切诸法皆空无主，如是仁不是仁，我不是我，云何能与他人作恩？」

障一切罪菩薩言：「先修慈心。」

得无垢言：「一切諸佛大慈心行，有佛土中諸众生等蓋縛所惱。」

障一切罪菩薩，默然不言。

爾時得無垢女，問于聖者觀世自在菩薩言：「善男子！仁如是說：『我心安住觀察如色。如是若入舍婆提城，隨何眾生系縛執掌，欲被殺者即得解脫，無有怖畏得无所畏。』此事云何？仁為取修？為不取修？若取修者，愚痴人取，是則不可。若不取修，則非無常，若非無常，則不可取。」

觀世自在菩薩，默然不答。

爾時辯聚菩薩，問觀世自在菩薩言：「何故默然，不答女難？」

觀世自在菩薩言：「女不问我生法，不问我灭法，问我不生不灭法，是故我不答。」

得無垢曰：「觀世自在！仁何不問何处不生不灭？」

觀世自在菩薩言：「得無垢女，何处不生不灭？無少字轉行。」

得無垢曰：「若不轉行，則一切法無有少字，非黠慧人字轉行說，不着名字，法界無障礙，故彼心不着。」

觀世自在菩薩默然不言。

爾時得無垢女，問辯聚菩薩言：「善男子！仁如是說：『我心安住觀察如色。如是若入舍婆提城，何等恶心眾生，慈心相向，递共贊咏，音聲語說皆得辯才。』此事云何？仁此辯才起，為有因緣起？為無因緣起？若有因緣起，一切無常皆因緣起，若如是者不得寂靜。若無因緣起，如是無實，則不得言有辯才起。」

辯聚菩薩言：「我從初發菩提心來，常作是願：『若諸眾生得見我者，皆得辯才。』」

得無垢曰：「善男子！仁為有心辯才？為無心辯才？若有心辯才，則墮常過。若無心辯才，彼諸語言，仁云何說仁不實語？」

辩聚菩萨，默然不言。

尔时得无垢女，问不迷行菩萨言：「善男子！仁如是说：『我心安住观察如色。如是若入舍婆提城，随何众生，眼见我者，一切不退阿耨多罗三藐三菩提。』此事云何？何者菩提？彼菩提者，为有？为无？若言有者，仁则着常。」

不迷行菩萨曰：「言菩提者，智者言语说言菩提。」

得无垢曰：「彼智云何？为当生体？为寂静体？若彼生体，生皆无常。若皆无常，则不正念。若皆无常是正念者，一切痴人皆应正念。若寂静体，彼无所得。若无所得彼不分别。此或佛说，或菩萨说，或阿罗汉说，或凡夫说。何以故？菩提道者则无分别，愚痴凡夫则有分别，有分别者非是黠慧。」

不迷行菩萨默然不言。

尔时，尊者须菩提等诸大声闻，彼诸菩萨，如是说言：「我今回还，不须入彼舍婆提城而行乞食。何以故？朝日已得妙好法食，即尔满足。我既从彼得无垢女闻胜妙法，我于朝日得法食足。」

尔时得无垢女，语尊者须菩提言：「大德须菩提！不取不舍，是声闻法。仁等今者为何所求？何所忆念？大德须菩提！无戏论者是声闻法，若着戏论非声闻法。大德须菩提！无依止者是声闻法，圣人境界非是依止，非依止着不发动摇。」

尔时彼大声闻、彼诸菩萨，及彼五百诸婆罗门，得无垢女，憍萨罗国波斯匿王，并诸侍从无量人众，皆悉往诣祇陀树林给孤独园。到世尊所，头面礼足，围遶三匝于一面坐。得无垢女遶佛千匝，遶千匝已，右膝着地，合掌向佛，以妙声偈问如来曰：

「我今问善逝，
无量无垢名，
能以甘露法，
云何菩萨行，
破坏魔王军，
云何动大地，
云何放光明，
无上无等智，
三界之尊主，
慈爱令人得。
能坐树王下，
成无上菩提？
乃至动龙宫？
普照无量处，

说菩提法行?
云何菩萨行,
云何修寂静,
云何神通力,
众生中胜行,
云何得净辩,
云何诸菩萨,
云何大丈夫,
得无垢天眼,
大神通光明,
云何念檀舍,
云何精进禅?
云何常远离,
更不受胎生,
云何佛前住,
云何爱不爱,
灭一切染恶,
世间法不动,
得失及毁誉,
此世间诸法,
无主不谄诳,
舍离自高心,
寂静胜寂静,
第一智慧人,
不爱妻子财,
定爱犹如鸟,
其心既如是,
云何有智人,
不动云何常?
云何不舍法?
宁自舍身命,
云何住菩提,
众生中医想,
云何住净僧?

云何得总持?
而能得佛财?
第一三摩提?
丈夫云何说?
得何等意行?
同合净美语?
而得善眷属?
而得宿命智,
天耳他心智,
行无量世界?
戒净常行忍?
云何行般若?
胎藏生宿处,
过化生彼岸?
口说无我空?
彼二心平等,
心坚不高下?
犹如须弥山,
称讥苦乐等。
云何过如月?
无染云何慢?
无有如是意,
不舍奢摩他。
云何得有缚?
云何而得有?
常如月无异,
云何有法爱?
如地水火风?
爱平等如空。
常不舍佛法,
不舍第一法。
证无尘垢法?
佛国土庄严。
净僧云何有?

三世法云何？
云何爱灭坏？
云何戒具足？
令安住菩提？
谁能得端正？
云何大富乐？
一切智道行，
得三十二相，
一切善福德，
云何有净僧，
何处有此愿？
宿命云何有？
于千亿劫中，
心不着端正，
力精进忍辱，
云何归依佛，
自舍于身命，
云何诸众生，
一切悔放舍，
不是少许痴，
若行法众生，

闻有众生乐，
见四谛罗汉，
云何百众生，
行有常爱着，
何谁有化生？
云何大智慧？
何谁能具足，
八十种妙好？
无斯辩才生，
比丘受具足？
云何百有生？
常与佛和合，
不作恶行善。
云何有医师？
云何而有胜？
归依于法僧？
不是舍佛法。
净行菩提行？
为众生说法。
一切知大寂，
次第得授记。」

得无垢女如是说已，世尊即告得无垢言：「善哉，善哉！得无垢女！汝甚善哉。汝今善能问于如来如是之义，汝今谛听，善思念之！我为汝说。」

得无垢言：「善哉，世尊！愿乐欲闻。」

佛即告言：「得无垢女！诸菩萨摩诃萨，成就四法能坏魔王。何等为四？一者、供养他人心不嫉妬。二者、舍离恶语。三者、常生多人善根。四者、无尽修慈。得无垢女！诸菩萨摩诃萨，若能成就如是四法，能坏魔王。」

尔时世尊而说偈言：

「心莫怀嫉妬，
教多人行善，
口勿说恶言，
不尽修慈心。」

菩萨能修行，
十方破魔王，
如是四种法，
证无上菩提。

「得无垢女！诸菩萨摩诃萨，成就四法，能动无量诸佛世界。何等为四？一者、如说而行。二者、信甚深法。三者、坚固教化。四者、能教多人菩提。得无垢女！诸菩萨摩诃萨，若能成就如是四法，能动无量诸佛世界。」

尔时世尊而说偈言：

「能如说而行，
欲得白净法，
常为多人说，
智人如是法，
知甚深法忍，
坚固教化人，
无上菩提道。
能动亿世界。」

「得无垢女！诸菩萨摩诃萨，成就四法，能放光明普照无量诸佛世界。何等为四？一者、施佛灯明。二者、守护正法。三者、能入八难恶众生中而为说法。四者、以宝罗网覆如来塔。得无垢女！诸菩萨摩诃萨，若能成就如是四法，能放光明普照无量诸佛世界。」

尔时世尊而说偈言：

「以灯明施佛，
能守护正法，
为放逸之人，
以妙宝罗网，
如是诸菩萨，
遍不可思议，
此光触众生，
发心求菩提，
则得净光明。
如正法受持。
说不放逸法。
覆于如来塔。
放光照世界，
亿世界中行。
遇者皆得乐，
无上大智慧。」

「得无垢女！诸菩萨摩诃萨，成就四法得陀罗尼。何等为四？一者、种种布施。二者、庄严女人与来求者。三者、赞叹如来功德。四者、多行般若。得无垢女！诸菩萨摩诃萨，若能成就如是四法得陀罗尼。」

尔时世尊而说偈言：

「修行种种施，
种种庄严女，
常赞佛功德，
行如是四法，
能于百千劫，
十方佛说法，
则得陀罗尼。
以施来求者，
修行佛般若，
彼得陀罗尼。
闻持而不失，
忆念力能取。」

「得无垢女！诸菩萨摩诃萨，成就四法则得三昧。何等为四？一者、常说有为多苦。二者、乐独无侣。三者、发勤精进。四者、究竟善业。得无垢女！诸菩萨摩诃萨，若能成就如是四法，则得三昧。」

尔时世尊而说偈言：

「说有为多苦，
勤进常有智，
行如是四法，
得寂静三昧，
乐独行如犀，
究竟行善业。
求于菩提行，
速觉佛菩提。」

「得无垢女！诸菩萨摩诃萨，成就四法得神通力。何等为四？一者、身轻。二者、心轻。三者、受持一切佛法。四者、四界空界平等受持。得无垢女！诸菩萨摩诃萨，若能成就如是四法得神通力。」

尔时世尊而说偈言：

「身轻如心轻，
空界我无量，
思量此四法，
以此三昧力，
一念普周遍，
法中无依止，
四界等受持，
得无量神通。
行一切世界，
见多千亿佛。」

「得无垢女！诸菩萨摩诃萨，成就四法端正殊特。何等为四？一者、不瞋。二者、扫如来塔，障恶风雨，作已欢喜。三者、戒净具足护持。四者、常一切时先意问讯，见诸法器不欲破坏，心如金刚。得无垢女！诸菩萨摩诃萨，若能成就如是四法端正殊特。」

尔时世尊而说偈言：

「于他无瞋垢，
净扫治庄严，
净戒常护持，
尽心于法器，
障佛塔风雨，
常恭敬供养，
常先意问讯，
如金刚须弥。」

「得无垢女！诸菩萨摩诃萨，成就四法，是故化生常在佛所。何等为四？一者、作莲华坐如来之像。二者、满掬忧钵罗华、拘物头华、分陀利华，或散佛身，或散浮图。三者、安乐有多信才，于持戒人，心不破坏一切善根。四者、愿与一切众生安乐令得佛道。得无垢女！诸菩萨摩诃萨，若能成就如是四法，是故化生常在佛所。」

尔时世尊而说偈言：

「作胜莲华坐，
水华满掬施，
于他不恶说，
念十方众生，
修行如是等，
是故得化生，
如来之形像，
为利益他人，
不取他恶说，
愿与安隐乐。
四种胜功德，
常在于佛所。」

「得无垢女！诸菩萨摩诃萨，成就四法得大富乐。何等为四？一者、平等心施。二者、施不望报。三者、心开多信。四者、能知众生心行。得无垢女！诸菩萨摩诃萨，若能成就如是四法得大富乐。」

尔时世尊而说偈言：

「平等心施与，
深信佛智慧，
有信不谄诳，
信法正直见，
所有皆不憍，
数得大富乐。
不取恶他人，
彼得善富乐。」

「得无垢女！诸菩萨摩诃萨，成就四法得大智慧。何等为四？一者、于法不生嫉妬。二者、能除他人疑悔。三者、如闻而说。四者、多修空行。得无垢女！诸菩萨摩诃萨，若能成就如是四法，得大智慧。」

尔时世尊而说偈言：

「智人不怀嫉，能除他疑悔，
如所闻而说，说如来行空。
行如是四法，如来所随喜，
如佛教而学，得佛二足尊。」

「得无垢女！诸菩萨摩诃萨，成就四法得宿命智。何等为四？一者、能为久忘法者说应闻法，令得忆念不忘句义。二者、令他信欲所谓语说，令他欢喜，为他说法。三者、欲令出离有为诸苦入于涅槃。四者、知幻三昧与愿相应。得无垢女！诸菩萨摩诃萨，若能成就如是四法，得宿命智。」

尔时世尊而说偈言：

「久读诵忘者，教示令忆念，
常说乐闻语，不倦为他说，
令出有为苦，舍相修三昧。
行如是四法，得宿命大人，
亿无量千劫，速成第一医。」

「得无垢女！诸菩萨摩诃萨，成就四法常亲近佛。何等为四？一者乃至失命因缘不舍佛法。二者、乃至失命因缘，终不称说法师罪过。三者、乃至失命因缘，终不亲近不善知识。四者、常修念佛三昧。得无垢女！诸菩萨摩诃萨，若能成就如是四法，常亲近佛。」

尔时世尊而说偈言：

「常不舍佛道，不毁訾法师，
不近恶知识，常勤心念佛。
行如是四法，得亲近如来，
在在所生处，彼处常有佛。
乃至未证得，无上菩提道，
一切所生处，常得亲近佛。」

「得无垢女！诸菩萨摩诃萨，成就四法，得三十二大丈夫相。何等为四？一者把金散佛，或散浮图。二者、常以香油涂如来塔。三者、种种华香伎乐布施。四者、眷属相随，供养和上阿阇梨等。得无垢女！诸菩萨摩诃萨，若能成就如是四法，得三十二大丈夫相。」

尔时世尊而说偈言：

「把金散浮图，
施以香华乐，
行如是四法，
端正甚奇妙，
此法有妙相，
香油涂佛塔，
敬心供养师。
得三十二相，
一切功德具。
佛第一智慧。」

「得无垢女，诸菩萨摩诃萨，成就四法得八十好。何等为四？一者、种种妙衣庄严法坐。二者、供养他人心不生倦。三者、于法师所不作鬪乱。四者、教诸众生佛菩提行。得无垢女！诸菩萨摩诃萨，若能成就如是四法，得八十好。」

尔时世尊而说偈言：

「妙衣严法坐，
教众生菩提，
菩萨修行此，
常于一切时，
供养他不倦，
易得八十好。
四种功德故，
有胜相庄严。」

「得无垢女！诸菩萨摩诃萨，成就四法得净辩才。何等为四？一者、持菩萨藏。二者、昼夜读诵三聚法门。三者、为他人说离因缘法，以佛菩提不生不灭、离因缘故。四者、欢喜受持，不惜身命及以财宝。得无垢女！诸菩萨摩诃萨，若能成就如是四法，得净辩才。」

尔时世尊而说偈言：

「昼夜常读诵，
诸世间相违，
不惜身命财，
行如是四法，
如着种种鬘，
一切诸世间，
见彼菩萨者，
坚持菩萨藏，
受持此佛法，
惜彼菩提道。
得辩才增长，
他人见者喜。
人天等众生，
欢喜亦如是。」

「得无垢女！诸菩萨摩诃萨，成就四法得净佛土。何等为四？一者、于他不嫉。二者、等心自他。三者、见诸众生心常欢喜。四者、不亲诸恶眷属。得无垢女！诸菩萨摩诃萨，若能成就如是四法，得净佛土。」

尔时世尊，而说偈言：

「心不怀嫉妬，
见众生欢喜，
不伴恶眷属。
具足修行者，
不取他人利，
等心于一切，
如是等四法，
得清净佛土。」

「得无垢女！诸菩萨摩诃萨，成就四法得僧具足。何等为四？一者、不念他人眷属。二者、和合破坏眷属。三者、于说法处受持读诵，为他人说。四者、舍离恶语。得无垢女！诸菩萨摩诃萨，若能成就如是四法，得僧具足。」

尔时世尊而说偈言：

「不念他眷属，
说法处教人，
行如是四法，
欲得净僧者，
和合破坏者，
不说破坏语。
得第一净僧，
黠慧修此法。」

「得无垢女！诸菩萨摩诃萨，成就四法随心所愿生佛国土。何等为四？一者、于他亲友心不生嫉。二者、常求六波罗蜜欲令满足。三者、心信清净坚固。四者、于诸菩萨常起师想，乃至初发菩提心者，皆生师想而供养之，而不偏着亲友因缘。得无垢女！诸菩萨摩诃萨，若能成就如是四法，随其所愿生佛国土。」

尔时世尊而说偈言：

「不嫉他利养，
常净坚固心，
不谄求乐缘，
常修此功德，
随心之所愿，
既生彼世界，
求波罗蜜善，
于菩萨师想，
欲令亲得乐。
速得近如来，
得生佛世界。
随忆念皆得。」

尔时得无垢女白佛言：「世尊！如佛为我所说法门，若我不信、不取此法，不修、不行，是则破坏一切十方于今现在现命现住诸佛世尊。」

尔时尊者大目犍连，语得无垢作如是言：「汝甚希有！若如是说菩提难得，彼菩提行难得修行，女能修行甚为希有。」

得无垢女即发誓言：「大德目连！我未来世当成如来应正遍知，如今世尊等无有异。若实不虚，令此三千大千世界六种震动，无一众生有怖畏者。我今实语，若我堪能如佛所说具足修行，今当雨华天诸妓乐自然出声，我妇女身转为丈夫。」

得无垢女，如是说已，实时三千大千世界六种震动，天诸妓乐自然出声，雨众天华。得无垢女，转妇女身即成丈夫，如年十六端正童子，一切皆见。

尔时尊者大目犍连白如来曰：「希有世尊！如我意解，菩萨从初发心乃至道场，此得无垢如是神通最为第一，如是大力，如是大体，如实住持，此如是等，所见因缘，异异具足。」

如是说已，佛言：「如是，如是！目连！如汝所说，菩萨从初发心乃至道场，彼是世间天人福田，出过一切声闻缘觉。」

时佛微笑——诸佛常法，若微笑时，则有若干无量种色，种种异色，青黄赤白红紫颇梨金宝色光从口中出，普照无量无数世界，乃至梵世，照已还摄，入如来顶——尔时尊者阿难从座而起，整服左肩，右膝着地，合掌向佛，偈赞问曰：

「天王紧那罗，
大梵天王声，
音乐诸天声，
世界皆生爱，
力功德如海。
复六种动地？
空中雨天华，
犹如师子王，
如来能摧坏，
唯愿牟尼尊，

娑婆世界主，
命命之音声，
贪瞋痴寂静，
无垢人王月，
何故放光明，
大地不倾覆，
见者心爱乐。
破坏小野干，
一切诸外道。
今日为我说，

佛念何因缘，
亿那由他数，
帝释娑婆主，
从世尊面门，
彼十方光明，
额中满如月，
明若秋日月，
犹如电光发，
释迦牟尼尊，
如来今放光，
何人得大利？

日月珠光明，
乃至梵天光，
出无垢净光，
一切皆不现。
眉间净无垢，
分陀华无异，
萤火星不现。
映蔽诸外道，
何人得利益？」

尊者阿难，如是说已。佛言：「阿难！此得无垢如实住持，转女人身得成男子，汝为见不？」

阿难答言：「已见。世尊！」

佛言：「阿难！此得无垢菩萨，于八千阿僧祇劫行菩提行，求阿耨多罗三藐三菩提，于六千阿僧祇佛所行菩提行，文殊师利童子菩萨，尔乃于后发菩提心。如文殊师利等八千菩萨，若佛世界功德庄严，如得无垢菩萨一佛世界功德庄严。」

尔时尊者大目犍连，语得无垢菩萨言：「善男子！若仁如是久远已来行菩提行，求阿耨多罗三藐三菩提，如是女身何以不转？」

得无垢言：「大德目连！菩提觉者非女人身、非男子身。何以故？菩提不生，非身心觉。」

尔时文殊师利童子作如是言：「希有世尊！此得无垢菩萨摩诃萨，乃能解此甚深解脱。」

佛言：「文殊师利！如得无垢菩萨，六十亿佛所，行于梵行，修空三昧，满八千阿僧祇劫，修无生忍，于三十亿佛所，难问彼佛已，说得无垢菩萨甚深解脱，诸菩萨中最为第一，衣食供养八十亿佛，问此论义辩才法门。文殊师利！若善男子，若善女人！闻此法门，受持读诵为他广说，彼人如是得福甚多。何以故？此法门者得入菩提具足因缘。」

尔时文殊师利白佛言：「世尊！当以何名名此法门？我当云何而奉持之？」

佛言：「文殊师利！此法门者名“论义辩才”，如是受持；名“得无垢法门”，如是受持。」

佛说是时，有八十亿那由他众生，诸天人等一切不退，决定当得阿耨多罗三藐三菩提。

尔时辩聚菩萨摩诃萨白佛言：「世尊！世尊！得无垢菩萨摩诃萨，几时当得阿耨多罗三藐三菩提？」

佛言：「善男子！是得无垢菩萨摩诃萨，过不可数百千阿僧祇劫，当得作佛，号无垢笑忆念幢王如来、应、正遍知，世界名曰无量净妙功德庄严，彼国无有声闻、缘觉，过天富乐。」

尔时得无垢菩萨摩诃萨，于世尊前，闻授记已，欢喜踊跃，上升虚空高八十亿多罗树，住虚空中，放大光明，其光遍照千佛世界，世尊顶上八十四千由旬宝华中住，为供养佛，如鸟飞下，绕佛千匝，合掌向佛，于一面坐。

尔时彼五百婆罗门，并梵天婆罗门，见得无垢菩萨前胜神通，身毛肃然，得净心信，深生爱敬。合掌向佛而说偈言：

| | |
|----------|----------|
| 「若恭敬如来， | 彼利是大利， |
| 令何人决定， | 作佛法因缘。 |
| 我婆罗门种， | 前造作恶事， |
| 见大声闻师， | 口说不善语。 |
| 今忏悔此罪， | 愿后不受殃， |
| 见佛子恶说， | 非是贤人语， |
| 非善得人身， | 虚损他饮食。 |
| 我若不见佛， | 胜妙功德王， |
| 则与得无垢， | 相随解奏去。 |
| 以见彼佛子， | 恭敬须臾间， |
| 我问彼言曰： | 『何处时见佛？』 |
| 彼言：『生七日， | 尔时闻佛名。』 |
| 彼说佛功德， | 实体不异闻。 |
| 我闻彼佛名， | 深生净信心， |
| 一切皆欲去， | 向无上菩提。 |
| 我前福因缘， | 得闻佛名称， |

来向释师子，
求见佛礼拜，
见此二足尊，
若佛释师子，
我学彼佛法，
女闻佛法故，
我今入实法，
我信入佛法，
彼坚固心知，
圣知阿难问，
头面礼佛足。
闻于无上法，
得脱一切苦。
实语人说法，
得佛法因缘。
得无上菩提，
菩萨行道门，
当得世间胜。
忆念牟尼尊，
授一切人记。」

尔时世尊，而说偈言：

「此等五百人，
彼一切同时，
于八十亿劫，
于一一劫中，
过去已供养，
此后复得见，
供养僧福田，
广为诸众生，
次第一切得，
梵天婆罗门，
当得成佛道。
不作诸恶行，
得见亿如来。
满足五百佛，
亿佛坐菩提。
八十亿比丘，
说如是法门。
寂静涅槃乐。」

佛说此经已，辩聚菩萨摩诃萨、得无垢菩萨摩诃萨等一切菩萨，彼诸声闻，彼婆罗门，波斯匿王、憍萨罗主，及诸天人并阿修罗、干闼婆等，闻世尊说，欢喜奉行。

得无垢女经

【经文信息】大正藏第 12 册 No. 0339 得无垢女经

【版本记录】CBETA 电子佛典 Rev. 1.18 (Big5)，完成日期：2009/10/19

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供，西莲净苑提供新式标点

【其他事项】本数据库可自由免费流通，详细内容请参阅 [**【中华电子佛典协会数据库版权宣告】**](#)
